



ჩემი გიმნაზია



სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №5 მაისი 2016 წ.

**გაზეთი გამოდის გიმნაზიის ღირებულების სტაფანწმინდისა და ხევის
მთავარეპისკოპოს იმეზღიელის ღოცვა-კურთხევით.**

1 მაისი — ბრწყინვალე აღდგომა იესო ქრისტესი



აღდგომა 12 საუფლო დღესასწაულს შორის ყველაზე მნიშვნელოვანია. ამ დღეს ქრისტე მკვდრეთით აღსდგა და ადამიანები პირველქმნილი ცოდვებისაგან დაიხსნა. მხოლოდ ამის შემდეგ გაიღო ადამიანთათვის სამოთხის ბჭე. ადამის მოდგმის მხსნელად მოვლენილმა მაცხოვარმა გოლგოთას მთაზე ჯვართან ერთად კაცობრიობის ცოდვა ზიდა. ოთხივე სახარების თანახმად, ღვთისმშობლისაგან უბიწოდ შობილი ქრისტეს ჯვარცმა პარასკევს აღესრულა. ეს უდიდესი მწუხარების დღეა ნებისმიერი მორწმუნესათვის.

თუმცა მესამე დღეს — კვირას მწუხარებას სიხარული ენაცვლება და ქრისტიანები მაცხოვრის ბრწყინვალე აღდგომას ზეიმობენ.

ქრისტე აღსდგა! მხსნელი გამოჩნდა ყველასთვის, ღიღება და მადლობა შენდა, უფალო!



გიმნაზიის მოსწავლეების მიერ შესრულებული სააღდგომო ნახატები

21 მაისი — აგაღლება უფლისა იესო ქრისტესი



აღდგომის მეორე დღეს უფალი იესო ქრისტე უკანასკნელად გამოეცხადა მოციქულებს, უბრძანა არსად წასულიყვნენ იერუსალიმიდან, რადგან თუ იოანე ნათლავა წელით, მოციქულები სულიწმიდით უნდა მონათლულიყვნენ. მოწაფეებს აინტერესებდათ, თუ როდის აღუდგენდა უფალი ისრაელს სამეფოს. იესომ აუხსნა, რომ დღეთა და წელთა ცოდნა, რომელიც მამა ღმერთმა დაადგინა, არ იყო მათი საქმე. მიიღებდნენ რა განსაკუთრებულ ძალას მოციქულები, როცა სულიწმიდა გადავიდოდა მათზე, ისინი უნდა გამხდარიყვნენ ქრისტეს მოწმენი მთელ იუდეა და სამარიაში ქვეყნის დასასრულამდე.

გამხდარიყვნენ ქრისტეს მოწმენი მთელ იუდეა და სამარიაში ქვეყნის დასასრულამდე.

6 მაისი — გიორგობა

წმიდა გიორგი მესამე საუკუნის მეორე ნახევარში დაიბადა კაბადოკიაში, მდიდარ ქრისტიანულ ოჯახში. მამამისი მოწამებობივად აღესრულა. დაქვრივებული დედა კაბადოკიიდან თავის სამშობლოში წავიდა. იქ განაგრძო შეილის ქრისტიანულად აღზრდა. ცნობილია, რომ ის წმიდა ნინოს ნათესავი იყო, დიდგვაროვანი ოჯახის შვილი, თვითონაც მორწმუნე, მდიდარი, ჭკვიანი, ლამაზი და დიდი ვაჟკაცი იყო. მან ისე გამოიჩინა თავი, რომ რომის იმპერატორმა დიოკლიტიანემ თავის მხედართმთავრად დანიშნა. თვითონ დიოკლიტიანეს სძულდა ქრისტიანები. მეფობის ბოლოს მან ქრისტიანებს ღვინა დაუწყო, იჭერდა და ხოცავდა მათ.

ეს რომ წმიდა გიორგიმ გაიგო, მივიდა იმპერატორთან და გამოუცხადა, რომ თვითონაც ქრისტიანი იყო. დიოკლიტიანემ სცადა მისი გადამხრება, მაგრამ ვერაფერი გააწყო. სასტიკად განრისხებულმა, წამება დაუწყო წმიდა გიორგის, მაგრამ ამ წამების დროს იმდენი სასწაული ხდებოდა, რომ მისმა მნახველმა უამრავმა ადამიანმა ირწმუნა ქრისტე.

303 წლის (23 აპრილს) 6 მაისს, პარასკევს დღეს ის მახვილით მოკლეს. წმიდა გიორგი განსაკუთრებულად უყვართ საქართველოში, სადაც მას მრავალი სასწაული მოუხდენია.



9(22) მაისი — ნიკოლოზობა. აღმოფხანება პატიოსანთა ნაწილთა ზმიდისა ნიკოლოზ საპირიველთმომამიდისა მირონიდან ძალაჲმ ბარში

წმინდა ნიკოლოზი მშვიდობით მიიცივალა 345-351 წლებში. მისი მირონმდინარე წმინდა ნაწილები დიდხანს მირონის საკათედრო ტაძარში იყო დაბრძანებული და მასთან მრავალი სასწაულებრივი კურნება აღესრულებოდა.

XI საუკუნეში საბერძნეთის იმპერიას მძიმე ჟამი დაუდგა. თურქებმა დაარბიეს მცირე აზია. ზალიფამ კუნძულ როდოსის გასაძარცვად გაგზავნა თავდასხმის ფლოტის მეთაური პუშედი. პუშედი მირონ-ლუკიაში გაემგზავრა წმიდა ნიკოლოზის სარკოფაგის ღარბევის მიზნით, მაგრამ შემთხვევით მის გვერდით მდებარე სამარხი



გთხოვთ, გაუფრთხილდეთ გაზეთს გასუი დაგამქდილი ტიქსტის და ფოტოგასაღის გაყო.

შემუსრა. როგორც კი მკრეხელები გეშზე ავიდნენ, საშინელი ქარიშხალი ამოვარდა და ყველა ხომალდი ჩაიძირა.

სიწმინდეების შებილწვამ აღაშფოთა არა მარტო აღმოსავლელი, არამედ დასავლელი ქრისტიანებიც. ადრიატიკის ზღვის ნაპირზე მდებარე ქალაქ ბარის მცხოვრებლებმა გადაწყვიტეს წმიდანის წმიდა ნაწილების გამოხსნა.

1087 წელს ბარელი და ვენეციელი ვაჭრები ანტიოქიაში გაემგზავრნენ საეკლესიო. მათ სურდათ, მობრუნებულზე იტალიაში წაესვენებინათ წმიდანის ნეშტი. მირონ-ლეკიაში პირველნი ჩავიდნენ ბარელები. შეიარაღებული ორმოცდაშვიდი კაცი გაემგზავრა წმიდა ნიკოლოზის ტაძრისკენ. ბერებს არაფერში შეპარვიათ ეკვი და მშვიდად ანახეს მოგზაურებს წმიდა ნიკოლოზის სარკოფაგი. მანამდე ერთ ბერს წმიდა ნიკოლოზი გამოეცხადა და მოუწოდა, უფრო ფრთხილად დაეცვათ მისი ნაწილები. ვაჭრებმა ბერებს თავიანთი გადაწყვეტილება განუცხადეს და გამოსასყიდად სამასი ოქროს მონეტა შესთავაზეს. დარაჯებმა ფულზე უარი განაცხადეს და თანამოქალაქეების გასაფრთხილებლად გაიქცნენ, მაგრამ ბარელებმა კარებთან დაიჭირეს ისინი, შეკრეს და დაანგრეს ფიცარნაგი, რომლის ქვეშაც სამარხი იყო. ბარელებმა ნახეს, რომ სარკოფაგი კეთილსურნელოვანი მირონით იყო სავსე. ეს მოხდა 1987 წლის 20 აპრილს.

წმიდანის ნაწილები მოწიწებით გადასვენეს ხომალდზე.

8 მაისს ხომალდი ქალაქ ბარს მიაღწა. მეორე დღეს, 9 მაისს წმიდა ნიკოლოზის მირონმდინარე ნაწილები ზეიმით გადასვენეს წმიდა სტეფანეს სახელობის ტაძარში. ნაწილთა გადასვენებისას მრავალი სასწაულებრივი კურნება მოხდა. ერთი წლის შემდეგ აშენდა წმიდა ნიკოლოზის სახელობის ეკლესია, რომელიც აკურთხა პაპმა ურბან II-მ.

12 მაისი — ხსენება ზვიდისა და ყოვლადმკებულისა ანდრია პირველწოდებულისა



12 მაისს საქართველოს მართლმადიდებელი ეკლესია წმინდა ანდრია პირველწოდებულის ხსენების დღეს აღნიშნავს. წმიდა ანდრიას უფალმა იესო ქრისტემ პირველს მოუწოდა, ამიტომაც ეწოდა პირველწოდებული, მაცხოვრის პირველი მოციქული.

უფლის მოციქული პირველად ქართლის ტერიტორიაზე, ღიდაჭარაში შემოვიდა, მას თან ჰქონდა ყოვლადწმიდა ღვთისმშობლის მიერ ბოძებული ხელთუქმნელი ღვთისმშობლის ხატი.

წმიდა მოციქული ანდრია საბერძნეთის ქალაქ პეტრაში ჯვარზე დაკიდებული აღესრულა. მის ხსენებას საქართველოს მართლმადიდებელი ეკლესია ორჯერ აღნიშნავს 12 მაისსა და 13 დეკემბერს.

26 მაისი — საქართველოს დამოუკიდებლობის დღე



შეიქმნა ეროვნული საბჭო, რომელიც ქვეყანას მართავდა. ეროვნული საბჭოს დადგენილებით, 1918 წლის 26 მაისს საქართველო დამოუკიდებელ რესპუბლიკად გამოცხადდა. რესპუბლიკის თავმჯდომარედ აირჩიეს ნოე ჟორდანიძე.

1918 წლის 26 მაისს მიღებული იქნა „საქართველოს სახელმწიფოებრივი დამოუკიდებლობის აქტი“.

დარჩნენ რა თავის ძალ-ღონის ამარად, საქართველომ და მასთან ერთად ამიერკავკასიამ თვით იღვეს თავს საკუთარი საქმეების გაძღოლა და პატრონობა და შესაფერისი ორგანოებიც შექმნეს.

საქართველოს დემოკრატიულმა რესპუბლიკამ, რომლის დამოუკიდებლობა ევროპის წამყვანმა ქვეყნებმა ცნეს, არსებობა არასრული სამი წლის თავზე, საბჭოთა რუსეთის მიერ განხორციელებული ოკუპაციის შემდეგ შეწყვიტა. საქართველომ დამოუკიდებლობის აღდგენა 70 წლის შემდეგ, 1991 წლის 9 აპრილს შეძლო დიდი მსხვერპლის გადახდით. რუსის ჯარმა ცრემლსადენი გახიზა და ორლესული ნიჩბებით დაარბია მშვიდობიანი მომიტინგეები. ამ შეტაკებას 21 ახალგაზრდა შეეწირა, უმეტესობა ქალები. მომავალ თაობას მუდამ გვემახსოვრება დაღუპული გმირები, რომლებიც საქართველოს დამოუკიდებლობას შეეწირნენ.



მოამზადა თემო ბუჩუკურმა.
გიმნაზიის X კლასის მოსწავლე

9 მაისი — 1941-1945 მოხვედრა დიდ სამამულო ომში

1941-1945 წლებში დიდმა სამამულო ომმა მოუშუშებელი ჭრილობა დაუტოვა ჩვენს პატარა ყაზბეგის რაიონს. ჩვენი რესპუბლიკის ამ ყველაზე პატარა კუთხეში რვაასამდე რჩეული ვაჟკაცი გაისტუმრა ფრონტზე, საიდანაც 245-ზე მეტი ადამიანი დაუბრუნდა მშობლიურ კუთხეს.

ომის ხანძარიანმა გზებმა სად არ ატარა აწ განსვენებული გერგეტელი ვაჟკაცი ასეთი წიკლაური და მისი მეუღლე — ქალბატონი მარია. სახელმწიფო ტანკისტი არჩილ გიგაური მეხად ედებოდა ფაშისტურ ურდოებს.

სამამულო ომში ფრონტებზე ბევრ დაჭრილ მეომარს შეუნარჩუნეს სიცოცხლე მოხვევ ექიმებმა — ნატალია კახალიაშვილმა, ვერა გიგაურმა, მარკოზ ალიბეგაშვილმა, ნინო აესაჯანიშვილმა და სხვებმა. მტრის ზურგში პიტლერელებს მუსრს აულებდნენ უშიშარი პარტიზანები — შალვა კობიაშვილი და გოგი ქირიკაშვილი. საბჭოთა ქვეყნის დასავლეთი საზღვრის ხელშეუხებლობას იცავდნენ ყაზბეგელი ძმები — სტეფანე, ისიდორე და ალექსი კახალიაშვილები, სწორედ შალვა და ვლადიმერ ხართაშვილები, კარეუჩელი სიმონ მარსაგაშვილი, ტყარშეტელი ნიკოლოზ მაისურაძე, თოთელი დავით სალბიევი, ახალციხელი არსენ და სოლიკო ქერაშვილები, ცდოველი შალვა, ფარსადან და არსენ წიკლაურები. მოსკოვის მისადგომებთან მტერს მდგრად ებრძოდნენ პავლე ქავთარაშვილი, ვანო ფიცხელაური, აბრამ ლუღუშაური, ვანო და ალექსანდრე ჩქარეულები. ქერჩის ნახევარკუნძულზე საზენიტო ბატარეის ხელმძღვანელები იყვნენ კომისარი პოეტო ალექსი გომიაშვილი, ლენინგრადის გმირულ დაცვაში იბრძოდნენ ბუთუ ქავთარაშვილი, შალვა აესაჯანიშვილი, ვანო წიკლაური, ჭრელა და ზელიმხან ელოშვილები. ავიაციის ძალებს ანადგურებდნენ მფრინავ-გამანადგურებლები საბჭოთა კავშირის გმირი კობლოვი, პოლკოვნიკი ვანო სუჯაშვილი, ანდრო კვირჭიშვილი და კაპიტანი ვიქტორ ლუღუშაური.

სტალინგრადის ბრძოლებში თავი ისახელეს ანდრო შალურმა, ილია გელაშვილმა, ფილო გოგიშვილმა, ილო სუჯაშვილმა, თინა ელიაძემ, ნუცა ლუღუშაურმა.



ომის მძიმე ტვირთი მხრებით ზიდეს ანდრო ფაჯიშვილმა, ტარასი ბაზალმა, გიორგი ქირიკაშვილმა, გიგო და კოტე ჩაბაკაურებმა.

აი, არასრული სია იმ მოხვევ რვაასი ვაჟკაცისა, რომლებიც დიდი სამამულო ომის დაწყებისთანავე ჩადგნენ სამშობლოს დამცველთა რიგებში.

მოგვითქონ მათ, ვისი სახელიც ვეღარ გავიხსენეთ. სიგვარულსა და პატივს მივაგებთ ყველას, ვინც ვაჟკაცურად ერკინებოდა მტერს, „ვინც სისხლი დაღვარა, ვინც თავი გასწირა“.

მოამზადა გიმნაზიის IX კლასის მოსწავლე
მარიამ ბაკურაძემ

„საქართველო და მშრომლობა“

ევროპის დღეებთან დაკავშირებით, პროექტის „საქართველო და ევროკავშირი ფარგლებში, ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრი დავით ბაქრაძე და სხვა „ნატოსა და ევროკავშირის შესახებ საინფორმაციო ცენტრის“ დირექტორი ქეთევან ჩაჩავა სტეფანწმინდისა და ზევის ეპარქიაში იმყოფებოდნენ. ღონისძიების ფარგლებში გაიმართა შეხვედრა სტეფანწმინდის წმინდა ილია მართლის სახელობის გიმნაზია-პანსიონის მასწავლებლებსა და მოსწავლეებთან. შეხვედრაზე ევროპულ ღირებულებებზე, საქართველოს ევროინტეგრაციის მნიშვნელობასა და მიმდინარეობაზე იმსჯელეს.



„სააღდგომო ფესტივალი 2016“

ზუგდიდისა და ცაიშის ეპარქიის წმიდა გიორგის სახელობის გიმნაზიამ 2016 წლის 3-4 მაისს ჩაატარა ყოველწლიური სააღდგომო ფესტივალი, რომელზეც მიწვეულნი იყვნენ საქართველოს საპატრიარქოს სკოლები. ეს მოწვევა ჩვენმა გიმნაზია-პანსიონმაც მიიღო და დიდი სიხარულით შევეურთდით ამ ფესტივალს და მათთან ერთად აღვნიშნეთ და გავიზიარეთ აღდგომის ბრწყინვალე დღესასწაულის სიხარული.

ზუგდიდელები თბილად შეგვხვდნენ. გიმნაზიის მასწავლებელმა ანა წურწუშიამ საკუთარ ოჯახში გვიმასპინძლა, რისთვისაც მას და მის ოჯახს უღრმეს მადლობას ვუხდით.

4 მაისის დღის 10 საათზე ზუგდიდის სახელმწიფო ეთნოგრაფიულ მუზეუმში მოვილოცეთ ღვთისმშობლის კვართი. შემდეგ გადავინაცვლეთ მოსწავლე-ახალგაზრდობის სასახლეში, სადაც ჩატარდა საპატრიარქოს სასწავლებლების მხატვრულ-შემოქმედებითი კონცერტი და სააღდგომო ნახატებისა და ნაკეთობების გამოფენა-გაყიდვა.

მანამდე, ჩვენი გიმნაზია-პანსიონის ფერწერის წრის მასწავლებლებლის, წრის ხელმძღვანელის ლონდა მაისურაძის ხელმძღვანელობით ჩატარდა გიმნაზია-პანსიონში სააღდგომო ნახატების გამოფენა, საიდანაც ამოვარჩიეთ 6 საუკეთესო ნახატი, რომლებიც ზუგდიდში გამოფენაზე წარვადგინეთ, ჩვენმა ნახატებმა დიდი მოწონება დაიმსახურა. ჩვენი ნახატები შეეწირეთ ზუგდიდის წმიდა გიორგის სახელობის გიმნაზიას, რომელიც პერიოდულად აწვობს საქველმოქმედო აქციას და გაყიდული ნახატებისა და ნაკეთობებიდან შემოსული თანხით ეხმარებიან ხელმოკლე ოჯახებს.



დღემ ძალიან ნაყოფიერად ჩაიარა. კმაყოფილები და გახარებულები დაებრუნდით ზევაში.

კიდევ ერთხელ, დიდი პატივისცემითა და მოწონებით გვინდა მადლობა გადავუხადოთ ზუგდიდისა და ცაიშის ეპარქიის მიტროპოლიტ გერასიმეს, ზუგდიდის წმიდა გიორგის სახელობის გიმნაზიის დირექტოს, ქალბატონ მანანა ნაჭვებაძის, მასწავლებელს ანა წურწუშიას გულთბილი მიღებისთვის.

ეთერ პაპიაშვილი

დირექტორის მოადგილე სასწავლო-სააღმზრდელო საქმიანობაში

სტიქაროსნის პალეოპოლიტიკა ლვთისმსახურებაში

გარდა ეპისკოპოსისა, მღვდლისა და დიაკონისა, ეკლესიაში დადგენილი არიან აგრეთვე უფრო დაბალი რანგის მსახურნი; მათ შორის აღსანიშნავია სტიქაროსნები. დღევანდელ ეკლესიაში სტიქაროსნების ფუნქცია გაზრდილია. მათ შეთავსებული აქვთ აიოლია კენისა და მნათის ფუნქციები.



იოლიაკვანი ანუ „ქვემდგომი დიაკონი“, მხოლოდ სამღვდელმთავრო მსახურებაში მონაწილეობს. იგი შემოსავს ეპისკოპოსს სამღვდელმთავრო შესამოსელით, უკავია სასანთლეები (სამსანთელა და ორსანთელა) და აწვდის მათ მღვდელმთავრს მორწმუნეთა კურთხევისათვის და სხვა.

მნათე, მორწმუნეებს ღვთისმსახურებაზე მოუწოდებს ზარების რეკვით, ტაძარში ანთებს სანთლებსა და კანდელებს, თვალყურს ადევნებს წესრიგს ტაძარში და ა. შ.

როგორც უკვე აღვნიშნეთ, იოლიაკენისა და მნათის ფუნქციები დღეს შეთავსებული აქვს სტიქაროსანს, რითაც გაზრდილია როგორც მათი ვალდებულებები, ისე მათი პასუხისმგებლობა ღვთისმსახურებაში.

სტიქაროსნის შესამოსელს წარმოადგენს სტიქარი.

სტიქარა არის გრძელი სამოსი, რომელსაც განიერი სახელოები აქვს. იგი აცვია იოლიაკონსაც. მისი ტარების უფლება აქვს მღვდელთმთავრს, მნათესაც და ტაძარში მომსახურე ერისკაცებსაც. იგი შეიძლება იყოს სხვადასხვა ფერის, გვერდებში ჩაჭრილი — მკლავის ქვედა მხრიდან წელამდე, იესო ქრისტეს განგმირული გვერდის მოსახსენებლად.

სტიქარი განასახიერებს სულის სიწმინდეს, რომელიც ღვთისმსახურეთ უნდა ჰქონდეს.

მოამზადა გიმნაზიის IX კლასის მოსწავლემ
სტიქაროსანმა გიორგი ბუნეკურმა

ანამ კვლავ გვასახელა

19 მაისს თბილისში ჩატარდა ფესტივალი კლდეზე ცოცვაში. გიმნაზიის VI კლასის მოსწავლემ ანა კახალიკაშვილმა კვლავ გვასახელა. მან დამაჯერებელი წარმატებები მოიპოვა თავისზე უფროსი ასაკის მოსწავლეებში. 2002-2004 წლის ასაკის ბავშვებში აიღო მე-2 ადგილი, თექვსმეტწლიანებში კი მე-3 ადგილზე გავიდა და დაჯილდოვდა დიპლომით, პრიზითა და ფასიანი საჩუქრით.

ვულოცავთ ანას გამარჯვებას და ვუსურვებთ შემდგომ წარმატებებს.



„გამოსცადე შენი თავი“

გიმნაზია პანსიონის მე-6 კლასის მოსწავლეებმა მონაწილეობა მიიღეს პროექტში „გამოსცადე შენი თავი“. პროექტის ხელმძღვანელი ნატა თექთურმანიძე. პირველ ადგილზე გავიდა თამუნა ქუშაშვილი, მე-2 ადგილზე — ანა კახალიკაშვილი, მე-3 ადგილი დაიკავა ანი გელაძემ. გამარჯვებულ პირველ ადგილზე გასულ თამუნა ქუშაშვილს გადაეცა საჩუქარი.



ანანის გაცილება გიმნაზიაში

მასწავლებელი მაია
ფიც ზელაური

იმას შეილად ვერ მივიღებ,
წინაპრების აკვანს სწავლეს,
სირცხვილი იმ გუთნისდღას,
თავის მამის საფლავს ხნავდეს.

იეთიმ გურჯი

მისი გორისა ხარ

შეილმა უნდა იცოდეს, სად და რაზედ გაჩერდა მამა, რომ იქიდან დაიწყო ცხოვრების უღლის წვევა. შეილს გამოკვლეული უნდა ჰქონდეს, რაში იყო მართალი და კარგი მისი მამა, რაში იყო შემცდარი, რა ავი მიიჩნია კეთილად და რა კეთილი — ავად, რა უმართავედა ხელს, რა აბრკოლებდა, რისთვის ირჯებოდა და მხნეობდა და რისთვის და რაში უქმობდა. უამისოდ თვითონ შეილი, რაც გინდა მხნე და გამბრჯელი იყოს, უხორთუმო სპილოს ეგვანება. დავით გურამიშვილისა არ იყოს, და ამ წუთისოფელში ვერას გახვდება.

ილია ჭავჭავაძე

წიგლასურები: ისტორია



გიმნაზიის IX კლასის მოსწავლე მარიამ წიკლაურის სურვილია თავისი გვარის შესახებ მეტი იცოდეს. საიდან არის წარმოშობილი მისი გვარი, სად უცხოვრიათ მის წინაპრებს და როგორ დასახლებულან ისინი ხევში. მან ამისათვის გამოიყენა გერგეტის მკვიდრის შოთა წიკლაურის მოძიებული მასალა.

ბეწინა ხირჩლას ძე წიკლაურმა თავისი სიცოცხლის ბოლო წლები მიუძღვნა იმის აღწერას, რაც არხოტიონთა მესხიერებამ შემოინახა და რაც ზეპირსიტყვიერად თაობიდან თაობას გადმოეცემოდა.

პირველი წიკლაური, რომელიც არხოტში დასახლდა, იყო ფაფარენელი თურმანის შვილი ბერდი წიკლაური. ბერდის აძღაში ქვისლი ჰყავდა. ქვისლებს ერთმანეთი ძმებივით უყვარდათ. ერთმანეთს ხშირად სტუმრობდნენ, ერთად დადიოდნენ ჯიხეებზე სანადიროდ. ნადირობისა და ვაჭრობის მოყვარულ ბერდის იზიდავდა არხოტიონთა მკაცრი და მტრბრუნ ცხოვრება, მათი მიუვალი საჯიხეები. დებსაც ერთმანეთისკენ მიუწევდათ გული. ბოლოს ბერდიმ გადაწყვიტა არხოტში გადასახლება. წასვლის წინ მას მამის შინშა კიბალაურმა ურჩია არ წასულიყო უცხო თემ-სოფელში, სადაც ჭირსა და ღვინის მხარდამჭერი და გვერდზე მდგომი არ ეყოლებოდა, მაგრამ ბერდიმ არ დაიშალა. მხნე და გულად ბერდის პირადი მტრობა-ქიშპობა არ ანადგვებდა. აძღას იყიდა ადგილ-მამული, გამართა სახლ-კარი და არხოტიონთა მძიმე და ფაფარაქან ცხოვრებას ეხიარა. მაშინ ძნელად თუ წარმოიდგენდა ვინმე რომ ბერდი არხოტში სათავეს დაუდებდა ბერდიშვილთ მრავალრიცხოვან და სახელოვან მამიშვილობას, ხოლო სხვადასხვა გვარის აძღვინები მის გვარს მიადებდნენ.

იმ დროს აძღაში ცხოვრობდნენ აძღის ძირძველი მკვიდრნი ჭოლიკაურების (გატუსვილანის), უთურგაინი (შუღლანის), ახალანის, ჩინგლანის (ბახალაურები), ქარჩანის (თუშეთიდან მოსული კიკიძეები)... ბერდის ქვისლი უთურგაით მამიშვილობისა იყო. უთურგაით მამიშვილობა ცნობილი ყოფილა სამართლიანობით, გულადობითა და პურადობით.

„ამდას უთურგის ციხეო, წვერი ცას მიგიწვდებოდა, ნეტავ შენ, უთურგის შვილო, ყანა არ მაგიცდებოდა, მკერდიან-ღუმბაინი ტაბლა არ გაგიცდებოდა, ამაველ-ჩამომავალი მწყემსი, მუშაი ძღვებოდა“.

„ამდას უთურგის ციხეო, წვერი გაქე ხამუთიანი, პატრონ გევა თამარიზეი სტუმართად ნამუსიანი“.

აძღვინები ყოველწლიურად საზღვრელად (საკლავების დასაკლავად) და სალოცავად დიდ-პატარაანად საამდლოს დადიოდნენ. საამდო მთების იქით, ქისტების მხარესაა, შავანის ხეობას დაჰყურებს. ამაზე თურმე იქაური ქისტები ჯავრობდნენ — ჩვენს მხარეზე რატომ გადმოდიან, ეტყობა ადგილის წართმევა უნდათ. ახალდასახლებული ბერდი აქტიურად ჩაერთო სოფლის ყოფა-ცხოვრებაში და როცა აძღვინები საძღვრელად წავიდნენ, ისიც თან გაჰყვა.

ადგილზე დაბანაკებულ მეძღვინებს იქაურმა ქისტებმა ისრის სროლით შემოუტყეს. აძღვინებმაც ისრითვე უპასუხეს. ორივე მხარეს გაჩნდნენ დაჭრილები და დახოცილები. ბოლოს ისარი ორივე მხარეს შემოეღია. ქისტებს სოფელი ახლოს ჰქონდა, თანაც ერთი თეთრი ცხენი

ჰყავდათ, რომელსაც ხელს აუქნევდნენ და სოფლისკენ გააგებდნენ. ცხენს სოფელში ისრით დატვირთავდნენ და ერთი კაციც გამოჰყვებოდა. ასე მოსდიოდათ ქისტებს ისარიც და ღამიშპარეც. — ერთი ისარი მაინც არავის დაგრჩათო — უთქვიათ — რომ ეგ ცხენი მოგვეკლაო. ახალათ ნებიერასლა ჰქონია ერთადერთი ცალფრთიანი ისარი. არ ვიცი რას იზამსო, უთქვია ნებიერას, მე კი ვეცდებიო და უსვრია. ისარი ცხენს კისერში მოხვედრია და მოუკლავს. შემორჩენილია იმ დროინდელი ლექსის ფრაგმენტები:

„საამდოს მეჯვარობესა დღე დაუბნელდა მზიანი,
შამარბის არჟილის ცხენი, განზე მახტების ტიალი,
ცხენო, დაგვლინე, რემაო, თავსაც მით უყავ ზიანი,
ჩაუხედ, ნებიერაო, მშვილდი აჭექე რქიანი...“

ცხენის მოკვლამ მღევარი შეაფერხა, მაგრამ ცოტა ხანში ქისტებმა ისევ დააპარეს ისრის სასროლ მანძილზე დაახლოება. საშველი არსაიდან ჩანდა. ამ დროს ბერდი თანდათანობით ჩამორჩა წინ მიმავალ ხალხს და ქისტების შეუქმნევლად კლდეებში ჩასაფრდა. ქისტები როცა ბერდის საფარს მოადგნენ, ბერდი მოულოდნელად ხმაღლახმაღ გადაერია მათ რაზმში. ვისაც მისწვდა მარცხნივ და მარჯვნივ — აკაფა, იქამდის ჩეხდა, სანამ თვითონაც არ მოკლეს ისრით. ქისტებს დევნის სურვილი დაეკარგათ, თავისი დაჭრილები და მკვდრები ჰყავდათ მისახედი. გადარჩენილმა აძღვინებმა უკვე უსაფრთხოდ გადმოიარეს მთა. ბერდიმ თავისი სიცოცხლის ფასად ბევრი თანასოფელელის სიცოცხლე იხსნა. თანაც, ეს იყო ყველაზე სახელოვანი გმირობა — მტრის ჯარში ხმაღლახმაღ შევარდნა, თავგანწირვა მოძმის გადასარჩენად.

ასე, გმირულად დასრულდა ბერდის ხანმოკლე სიცოცხლე. თუმცა ღმერთს არ ენება ბერდის თესლის დაღევა — ბერდის დაქვრივებული ცოლის სხეულში ბერდის გვარის გამგრძელებელი ფეტიქავდა.

შემდეგ ნომერში მოგითხრობთ, როგორ გადმოსულან არხოტიდან წიკლაურთა შთამომავლები ხევში.

მარიამ წიკლაური. IX კლასი

წიგნის შამხნის ისტორია

წიგნს დიდი ხნის ისტორია აქვს, ეპოქიდან ეპოქამდე მისი სახე იცვლებოდა. წიგნი დღესაც განიცდის ტრანსფორმაციას.

პირველყოფილი ადამიანის ე. წ. მხატვრობა ასე თუ ისე, ყელამ ვიცით. უძველესი დროიდან ჩვენამდე ბევრმა უცნაურმა ნივთმა მოაღწია, რომელთა დანიშნულების გაგებაც დღეს რთულია. მათ გასაგებად არქეოლოგები ანალიზების პრინციპით ხელმძღვანელობენ.

შუმერულ თიხის ფირფიტებზე უძველესი ავტორები მითებსა და სხვადასხვა ტექსტებს აფიქსირებდნენ. შუმერული წიგნები დაუმუშავებელი თიხის ფირფიტებისაგან მზადდებოდა. ასეთი წიგნი დღევანდელ ადამიანს აგურს მოაგონებს. ინსტრუმენტს, რომლითაც სველ თიხის ფირფიტაზე ტექსტის დაფიქსირება ხდებოდა, კალამს უწოდებდნენ, იგი ღერწმის ღეროსაგან მზადდებოდა.

თიხის ფირფიტებს ეგვიპტური პაპირუსი მოჰყვა. პაპირუსის მოგვიანებით ბერძნები და რომაელებიც იყენებდნენ. პაპირუსი მცენარე პაპირუსის ღეროსაგან მზადდებოდა. პაპირუსის წიგნებს გრძელი გრაგნილების ფორმა ჰქონდა. ძვირფას პაპირუსის გრაგნილებს ყუთებში ინახავდნენ, რომლებიც ყდის ფუნქციას ასრულებდა.

პაპირუსი არც ისე მყარი ნივთიერებაა, ამიტომ საჭირო გახდა მისი გაუმჯობესება. წიგნის ფურცელი ცხოველის ტყავისაგან მზადდებოდა.

ამის შემდეგ ევროპელებმა, ჩინელებისაგან 400 წლის ჩამორჩენით, ქაღალდი გამოიგონეს, რასაც გუტენბერგის წიგნების საბეჭდი პრესის გამოგონება მოჰყვა. თუკი ადრე წიგნები ხელით იწერებოდა, ახლა მათი ბეჭდვა გახდა შესაძლებელი. ამან წიგნის წარმოება საგრძნობლად გაამარტივა და გააიაფა, შესაბამისად, წიგნი ადამიანთა ფართო მასებისათვის გახდა ხელმისაწვდომი.

გუტენბერგის მიერ შემუშავებული ტექნოლოგია იმდენად მოხერხებული აღმოჩნდა, რომ მრავალი საუკუნის განმავლობაში ადამიანები ამ პრინციპით ქმნიდნენ წიგნებს. ახლა უკვე გამოიგონეს ელექტრონული წიგნები და მასიურად დაიწყო მათი დამზადება. ელექტრონული წიგნი, იგივე კომპიუტერული ფაილი, რომლის წაკითხვაც კომპიუტერის ან სპეციალური მოწყობილობის საშუალებით არის შესაძლებელი. აღსანიშნავია, რომ ბოლო პერიოდში უფრო მეტი ელექტრონული წიგნი იყიდება, ვიდრე ნაბეჭდი.

მოამზადა ომარ ქობალიამ გიმნაზიის IX კლასის მოსწავლე

რედაქტორი ანონიზირებული	სარედაქციო კოლეგია: არამიანდრიტი ნიკოლოზ ღლონტი, ციციშვილი ლუღუშავური, ნინო თურქიაშვილი, გარიაშვილი, თამარ ბუჩუკური.	მის. სტაფანაშვილის ფ. ილია მარტოშვილი ს.ა. ზიგნაშვილი- პანსიონი
----------------------------	---	--